



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 3. Theodoretus ad Concilium admittitur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

ut Eutychis Hæresin induceret, & se ^{Sæculum V.} contra jus, fasque condemnasset; quod ^{A. C. 451.} ut probaret, Eusebius petebat, Acta Concilii Ephesini legi. Tum jubente Magistratu, ut Dioscorus defenderet causam suam, petiit & ipse, ut hæc Acta legerentur, sed cum legi Proceres juberent, retractavit petitionem, postulans, ut ante omnia de Quæstione Fidei ageretur. Magistratus dixerunt: *Prius ad Accusationem tibi respondendum; ergo patere, ut Acta legantur, quæ ipse legi petiisti.* Constantinus, Consistorii Notarius, legendi initium fecit ab Epistola Theodosii Junioris ad Dioscorum data, ^{p. 99.} qua Convocatio Concilii Ephesini decernebatur. ^{Sup. Lib. XXVII.} Cum in ea nominatim Theodoretus illi Concilio interesse prohiberetur, Proceres dixerunt: *Reverendissimus Episcopus Theodoretus quoque intret, & huic Concilio intersit, nam ipsum Sanctissimus Episcopus Leo in Ordinem Episcoporum restituit, & Piissimus Imperator præcepit, ut ad Sacram Synodum admitteretur.* ^{§. 34. p. 102.}

§. III.

Theodoretus ad Concilium admittitur.

Intrat ergo Theodoretus, quem ubi Episcopi Ægypti, Illyrici, & Palæstinæ conspexerunt, exclamare: *Misericordia! actum est de Fide. Hunc Canones rejiciunt,*

Sæculum V. A. C. 451. *ciunt, expellite!* Econtra Episcopi Orientis, Ponti, Asiæ, & Thraciæ: *In tabula vacua subscribere coacti sumus, sustibus cæsi. Ejicite Manichæos! Flaviani inimicos ejicite! expellite Fidei hostes!* Dioscorus dixit: *Num forte Cyrillus ejiciendus, cui iste Anathema dixit?* Volebat dicere, si Theodoretus reciperetur, hoc facto memoriam S. Cyrilli damnari. Orientales, & qui ex illa parte stabant; *Ejicite latronem Dioscorum! quis Dioscori flagitia nescit? Egyptii clamabant: Imperatrix Nestorium ejicit, vivat diutissime Princeps Orthodoxa! Concilium Theodoretum non recipit!* volebant dicere, ipsum esse Nestorianum.

Theodoretus, in medium procedens, dixit: *Libellum supplicem Imperatori tradidi, quam crudeliter mecum actum fuerit, exposui. Peto, ut examinetur. Magistratus dixerunt: Theodoretus Episcopus, recepto ab Archiepiscopo Romano gradu suo, intravit modo, ut Personam actoris gereret; ergo permittite, ut quæ agi cæpta sunt, perficiantur, ne confusio oriatur. Theodoreti præsentia nullius juri noceat, omnia jura, quæ vobis contra ipsum, & ipsi contra vos competere possunt, salva sint; præcipue attendendum, quod Episcopus Antiochenus testimonium det, ipsum esse Orthodoxum. Itaque Theodoretum, sicut & Eusebium Doryleensem, in medio sedere jubent.* Tum

Tum Orientales exclamare: *Dignus est!* Ægyptii clamabant: *ne dicatis ipsi-
sum Episcopum! non est Episcopus! apa-
ge Dei inimicum! Judæum!* Orientales
econtra: *vir Orthodoxus in Concilio se-
deat! ejicite seditiosos! latrones ejicite!*
cum aliquamdiu reciproci clamores tenuissent, tandem Magistratus dixerunt: *populares hi clamores non decent Episcopos, nec Partibus quidquam utilitatis afferunt; concedite igitur, ut omnia legantur.* Ægyptii clamarunt: *unum hominem ejice, & omnia audiemus, pro Fide Catholica clamamus.* Magistratus: *imo aures præbete! & donec omnia ordine perlecta fuerint, expectate!*

§. IV.

Accusationis Articuli.

Constantinus, & Beronicianus Notarii p. 3.
lectionem epistolarum de convocatione Concilii Ephesini profecuti sunt; cumque Beronicianus dixisset, Imperatorem Theodosium pari modo ad Juvenalem Jerosolymitanum, ac ad Dioscorum Alexandrinum scripsisse, Dioscorus ait: *videtis, quod Imperator non mihi soli hoc Judicium commiserit, sed etiam Episcopo Juvenali, & Episcopo Thalassio Auctoritatem in Concilio judicandi tribuerit; quod judicavimus, judicatum est; universum Concilium Acta vel via voce, vel scripto appro-*